



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ' ИВ ЯЛЯХАНА ҲОПОЙ' СЕРТАБИВА'

Мэбета вадава" ила' панан' етри' мэква"!

# НЯРЪЯНА

## НЭРМ



№ 14 (5184)  
2024 по' апрель иры' 6 яля

СУББОТА

Российская Федерация Ямало-Ненецкий автономный округ



Сидянг. Ю. Чудинова' таптавы

Ямалхана  
мядоҕа"

3

## Сидя сава яля

Си"ив я' тер" мэ"мы ныланава' яляхана Тасу' яв' няна ма"льць. Танияна яха' салаба' ниня тодо яхат товы" ты пэртя" пирдырма' ялямдо' мэ"ҕаць. Пяку" яхат, Ензя' тер", Пэ" няд тэвавы" ҕани' таниявыць. По' тяхамбавы нидо' едтеванзъ хубтахана, ҕодъ ялянда сэв тю"у' тана"махаданда мальцятна", панытана" нито' пуд мядо" няю' вэрнаць. Хусувэй тания' туртам' палытана" лаха манэ"сарҕадонзъ. Пудана хадкэҕгана серкана сидна" лэтэ тохоламби". Хибяхарт пуны' нисъ ҕа".

Сяхаринда ты пэртя" сянакова' яляхана пили" нерде' вы' тер" ерво" нямна ядэрцеты". Җамгэ тасла я"амна серото' танияб", ҕобт' ма"лэвы ерво ҕопой яхад хосетыдо'. Сян яҕорэй' тикыдо' пюсь харад' помна ядэрць ни тарасету". Ты' лекар" табеко, тохолкова' серо, тамна ҕани тарана ҕавэ намдавандо' е"эмня ҕопой яхана едтесетыдо'. Тамальҕгана



ҕока хибя" райондо' ервхад иле харад", мерета еся' хан «снегоход»" нямна хонаркурҕаць. Тикадо' хусувэй по' тарця ҕэсеты. Ханяҕыдо' тарана ҕавэ (пардон", парасин", ной", тамна ҕани' яёло") ня"марпаванзъ ядэрцеты".

Пили" нюрте"э' турта" мирдаҕгурти" няю' нэкалпидонзъ. Нито' еркана вы' илаҕгана тарана ҕавэ тэмдарамбиць. Хусувэй хибяри нянанда таранам' хоҕгусъ. Паҕгалмы ни", мивы сян",

толь" хуркариць. Ненэцие" поҕгана Павре Марюйм' торомдадамзъ, пыда Салехард' няд товы Петр Худим' пюрмы. Тикы няхаданда тынзьядамда тэмдаван' харвавы: «Тюку яхана тарця тынзьяо мирдапада яҕгу, Петрм' етри' сянакова яляхана ҕатесетьва". Няданда тарана ҕамгэдава" хосетыва". Теда' нява" нивы ту"».

Пелямда 4, 5 стр. толаира".

М. Яр' падвы



Сидянг.: М. Яр' таптавы

## Җока нюсавэй" мяд' тер" нядма

Ты ниць ирыхына ҕока нюсавэй" мяд' тер" е"эмня ҕани няд"ма" ҕадимда". Тарця сава юнм' Ямал' нермбэртя Дмитрий Артюхов ваде"ҕадасъ.

Школахана тохолкода" ҕацекы", студент" (23 пондо' ёльцанд') ҕока нюсавэй" мяд' тер" ҕэпто', харад' помна автобусха"намирци" ҕэдалёрта". Иле хардаханандо' иры' ямбан' илевандо' е"эмня салдамбада

есямдо' 30% пирувна пуны' хана пирҕадо'. Тохолкова' по' нерцюна хусувэй ҕацекы' е"эмня небянадо' 15 ёнар" есямня"маҕгу", тикы есяханато' нюто' тохолко мэ"манда имбытад, тамна ҕани тарана ҕаворидамдо' тэмдаҕгу".

Едэй няд"мито' нямна ҕэда закон' вато Россия яна" нермбэртя' табековна ты ниць иры' нюртей яляхад манзара пэҕгу.

Тикы' хавна округханана"

ханяҕы няд"ми ненэця" мале мэ"эйдо":

- ҕока нюсавэй мяд' тер" ҕацекы" школахана мирци" ҕаворҕа";

- небянадо' нюдя ҕацекыто' е"эмня (мат" пото' ёльцанд') лекар" мякад мирци" пардондамдо' ня"марпи".

Ямал' ерв' вадавна, пудана ю" по' ямбан' ҕока нюсавэй мяд' тер" ҕокма".

Г. Кинчина' падвы

## Яханандо' пыхыдадо' савумдамбаҕу"

Сайнормахад турта" ненэцие" поҕгана хаҕгурта", ядаравы" ҕока". Җадьбьята Ямалханана" е"эмняндо' яҕга няд"мам' ҕадимдець. «Реабилитационный сертификат» нюбета падарм' мэць лекар" мяка"на пыхыдадо' савумдамба пирта".

Җани ё" няна ҕэда лекар" мяк' ҕэдалёрць ни тараҕу". Округханана" сиддо' лекарабтамбава' няю' мэта ҕамгэ" тания", лекар" ҕобтикы е"эмняндо' манзара".

Няхар" ҕарка маркана (Салехард, Ноябрьск, Новый Уренгой) едэй лекарабтаҕго мэта" аппарат мэць пявы". Тикы" няд"мяць ненэця" пыхыдадо' савумдамби".

Тамна сенз ҕэвандо' няю' яҕга тренажёр мэ"ҕа". Тарця" ҕобтикы хусувэй районхана тания". Тарем' сайнормахана ядаравы" яна" тер" ҕэсоҕодо' вэнпаҕгу", янамбовна ҕахат сер' ныхыдо' ҕадимда, ҕэто' нина мэйрёнуҕу", харвабто' ҕани' сайнорманзъ хэсь пиртадо'.

«Реабилитационный сертификат» нюбета падар" терда 120 ёнар" еся. Ненэцяҕг" социальной защита' департаментхана мипидо'. Җокханда тарця падарм' няд"мяць 119 сайнормы яна" тер" лекар" мят' ядэрмы".

## Нядаҕгува"

Җарка Россия яна" тигэвна илена ненэця" хибяхартм' маяна нисеты" хае". Ненадовна теда' сайнорма' мальҕгана Ямал' тер" ҕани' нядаҕгурта". Сайнорта ненэцие" е"эмня тарана ҕавори ма"ламби", сайнорма' ё" ня' ҕэдабтамбидо'.

Волноваха' няна мирта" варемдо' мэць иле мядо, лекар" мяд мимби". Сехэры ҕани' сулорпидо'. Тандая' ҕани' едэй сехэры сертаба пявы".

Железнодорожный няби Панфилов нюбета ядэлавахана асфальтм' лехэбтамби". Тикы' пуд сехэры' хэвхы савумдамба пяҕгу", пякоци ҕабтаҕгу", таворо ма"лаҕгу".

Җармы ненэця" манзеты": «Сэхэ яляхад нямд ҕэдабат, харт пыхыдамд сэхэ ярихид ҕэданархан пыдар ҕэриҕун». Тарем' яна" тер" маянд' еремы нидо' нядаба, харто' мято' тер' нядабада" то"олха".

Г. Окотэтто' падвы"



## Ты - илна” саир”

Хэвы си”ив яляхана Тазовской районхана ты пэрма’ нямна хуркари” тарана серо минрець. Сянакова’ яля’ хавна Россияна” тиггы яхат товы” нарка тасалковам’ мэ”наць. Таняна тэхэ”на мэна” Национальной Союз’ тер” нобт’ ма”люржаць. Нарка лахарёдо’ ты пэрма’ хавна халядава’ нямна цась. Ѓокханда юкад вата тет яхад серо тневана”, харе” яханандо’ ты’ илам’ нерня’ пэртиа” товыць.

Ѓока вадам’ округханана” ты пэрти нядабавамдо’, вакна ты пэрмам’, цани” цэрм’ яха”на тыдо’ лэтрамбавамдо’ тасламбиць. Якутияхана, Забайкальской крайхана, Магаданской областхана, Тыва’ няна ханзер” ты пэрмамдо’ цани’ ваде”ндонзъ. Теда’ организацияндо’ хусувэй ты пэртихана минрена лахарёдо’ тая. Тарем’ нидо’ ханяримна серодо’ тидхалембагудо’. Цэрм’ тер” серо минрена департамент’ цэвахана мэна Ульяна Каленюк манзаидо’ ваде”нась: «Ты пэрти” и” ядробцо намдавана” е”эмня Ямалханана” хусувэй по’ вымна цэдалёрцава”. Иландо’, тыто’, ты лекаро” манзая’ нямна цамгэ юн” таявам’ мал’ няндо’ ваде”яна”. Тюку по’ манзаранина” мале сян вынд’ цэдалёрцаць. Тасла я”амна серото’ таянб”, тневана” минхандо’ тидхалембидо’».

Пудана юкад вата мат” по’ ямбан’ вакна ты пэртиа”, ты пэрти” Национальной союз’ цэвахана мэна Михаил Яр тарем’ мась: «Вакна ты пэрмахана хусувэй по’ тэнд хэва суворца, нябтипой хурка цэвахандо’ маниер. Ямалва” сяхаринда цани” ё” тер” по҃гана цадьсеты. Тамна тыха’ илна” саирм’ лэтравана”,

минревана” е”эмня илебей ненэциена” тэхэ”на мэбато’ серо”на. Пыдо’ сава иландамдо’ вуни цатенгу”, харто’ нерняку цэбато’ тара, харе” яндо’ ед’ нарка таром’ ха”аврамбабато’, тикахана таравамдо’ хамедангудо’. Ханзер” яханана” ты пэртина” нядабавава” цани’ яха”на илена” ты пэртиа” теневабто’ тара, маси” пыдо’ яханандо’ цани’ тарем’ сертангудо’. Маня”, ты пэртиа”, ханзер” нерня’ ми”махадана” теневава”, ненэциена” таянб”».

Тазовской районхана ты” пэртиго’ серо хурка цэва нямна районандо’ цэвахана мэна Виктор



Сидя҃г: М. Яр’ тадтавы”

Югай ваде”надась. Округханана” сяманхат цока, 260 ёнар” тым’ пэртиа”. Яндо’ тер” тыдо’ невхы иландо’ саирм’ лэтрамба няд”мяйдо’, нядандо’ ватидо’ тарана проект няд”мяць хуркари” цавыдота” цавар сертаби”.

Ямалханана” вы҃гана илена” илам’ тидхалемба хуркари едэй мутры няд”мяца”. Ты пэртина”, халяданина” тасла я”амна серото’ таянб”, хуркари луца мутры

мэць падна пирца”.

Цэдабтавы вадидо’ минха” тидпой тасламбидо’. Тикы’ хавна сидя по’ тыхана округханана” «дорожная карта» нубета падарм’ ты пэрти” ватовна янгамдадонзъ, едэй няд”ми цадимдець. Тарем’ серта”махадандо’ ты’ цамза’ мир” янгамась. Илебей ненэцие” мяд’ тер” няхаромдэй нюдо’ хо”махадандо’ ея мяд’ капиталм’ ня”марпи”. Тюку яля’ пиркана мале 268 мюсерта” капиталм’ е”эйцаць. 2017 поход тамна цани” хуркари” яёло мюсерта” ненэцие” ня”марпи”, ирыхына

ванда манзаямдо’ тасламбиць. Союзханандо’ Россияна” тиггы 20 ты пэртиа” яхат ненэцие” мэ”.

Михаил Погодаев, Якутияхана цэрм’ тер” серо тидхалембада министр’ марцхэ҃э тарана, мась: «Союзва” тодо яхана илена”э сидна” нобт’ пэртиа” тара. Яхатана” ха”морта и҃удона” яля’ няю’ цэда закон’ саирцэ, ныхыцэ хан”ца”. Таремри” ты пэртина” ила’ саирм’ лэтра пиртава”».

Тасалковаханандо’ нерня҃ы манзаидо’ тасламбиць. Тикы’ нямна Цэвахана мэнадо’ Михаил Яр тарем’ мась: «Союзва” тодо яхана илена” ты пэртиа”э сидна” цопой недан’ ха”аврабата тара. Ты пэрма’ илам’ нерня’ минреван’ харвана” ненэциена” цобкана мэбато’ серо”на”. Манзаява” тыхасовна цадимдембабана” тара. Хусувэй хибяри харе” яхананда ты пэртиа” е”эмня варемда мэ”ца”. Цобкана харе” яханана” таславы серона” тидхалемба пиртына”. Хибямдо’ цамгэхэна няда тарабата, цани’ тасла҃гува”».

Алексей Лиманцо Сахалин’ няд товы вадада тарцясь: «Союзва” сидна” нобт’ ма”лаванда хавна ила҃гана тарана” и҃уд тэврамби. Яханана” теда’ манэ”мына”, намдавына” манзаяханана” таром’ ха”авра҃гу”».

Тикы’ хавна союзхандо’ едэй ненэцие” ня”маць. Правленияхана мэвандадамдо’ таслаць. Анадырь маркана цэвы Съездхана цамгэ’ то”олха серо цадимдевам’ хэтаць. Тад’ нерня’ цамгэм’ пэрмамдо’ ваде”наць. Тарем’ ты пэртиа” Тасу яв’ няна тасалкурцаць.

самля҃г ёнар” есям’ тамби”.

Нарка тасалковамдо’ Тазовской район’ ерв” няби ты пэртина” Национальной союз’ минревэдо’. Манзаямдо’ тикан’ нидо’ цэвадала҃гу”, нерня’ минда”.

### ТЫ ПЭРТИ” СОЮЗ’ МАНЗАЯ

Няби яляхана Союзандо’ тер” нобт’ ма”люржаць. Таняна пя-

## Ямалхана мядоҗа"



Сийлҗҗ: Ю. Чудинова' тадтавы"

Белгородской областьтад товы" җацеки" мале Ямалхана тохолко пэяд". Сиддо' Салехардахана, Ноябрьскхана, Лабытнанги маркана ядабтамби". Сянхав иры' ямбан' 330 җацеки" нись тоса яханана" илеҗу".

Салехардахана Ямалской многопрофильной колледж' общежитиехана иле". Санаторно-лесной школахана җани' мядоҗа". Лабытнанги маркана җобтики тохолкурҗа".

Тохолковандо' хавна ханари' ядэрта", мядонда". Нердена яля' сиддо' ядабтамбада" «Полярный круг» ненадумда"ма' хэвхана е"эмнандо' хыно"мы", таравы". Ханимоҗгадандо' сырэй панэхэ"на ембамыдо'.

Небянадо', нисянадо' нюто' нямна етри' теневаҗу", ханзер" илевамдо' интернет' мутравна, телефонувна хонра пирҗадо'.

Ангелина Шутеева няби Мария Шатило Салехард' нямна мале намдормэхэ', тохолко няди' тюкона илевы. «Иле хардава" пихид җули" паской, мюйда яля, таҗго. Санаторно-лесной школа җэвы. Ихинани' җули" саву"җами'. Мара" тюкон' сидни' җэдабтавы"», - не җацекехэ' маймбихи'. Белгородхана мале нара. җацеки" вадавна, тюкона нумда тамна сырэй' то"олха, тарем' җод" саць тецьдада яҗу.

Ханяҗы хонё лоходо' сидя ненэцяндр' таславы", җанихи"натет җацеки" сеҗгапирҗа".

Едэй иле мяканандо' хусувэй җамгэдо' тая. Нюртей яля' сиддо' лекар" манэ"сармы". Ва"авто' ниня җацеки" мядонзэйкоци ховы".

Ямал' нермбэртя Дмитрий Артюхов нянандо' лаханакурмы. Иландо' нямна хонарковы.

Тарем' тохолкова' по' пудана яля' ёльцяндр' җэрм' яханана" мэҗу".



## Ненэй вадам' тохоламби

җобаҗуна ты пэрти" яля' пуд, яля' ер' пиркана редакцияхана" Москва маркад мядонда" тюҗгаць. Хасаваюм' – Новосёлов Алексей Владимирович. Ненэй вадам' тохоламбада җэвы. «Няръяна җэрм» газетава" ня"амванда сер', толаҗго пэй", тенева на вадида хо. Тики ихинана" җули" савась.

- Ненэй вадам' наҗэда по' ямбан' тохоламбив. Няд"маҗэ Нейко Максимовна Янгасова' лаханако толабидм'. Тамна Н.Б. Кошкарёва' падвы толаҗгобцым' мэцетым'. Тасер" нянани

саҗговоҗа". Нюртей мэва' сомбовна няданди' намдын. Толаҗго пирҗав.

Неюм', Екатерина Александровна Хованович, Салехардан' ты пэрти" ялям' манэ"манзы товы:

- Мань иле яханани испанской вадам' тохоламбади нядабидм', сиддо' тидхалембидм'. Сяхаринда җод" җобтики яҗганя вади тохолаван харвасетым'. Ты пэрти" яля' мальҗгана пихина җули" тецись, ненэй мят' тюҗганинзы, мяд' мюйм' сомбовна манэ"җами'. Тики' хавна сидни' тэхэ"на җэдалёлтамбиць.

Тэкоци манэ"җани'. Нидо' нертемба җэдалёлрта" җули" мере"мы". Смянхат илекаҗэ таромам' тасланинзы. Ёльце сававна нылэйни'. Тамна И.С. Шемановской' нюмам' мэта музейн' ядэрҗанинзы. Ямал' нямна теневабцунн' ёльце җокма". Салехард – җули" сомбой харад җэвы. Мякни Лабытнанги маркад җэдалаҗгунн'. Таяҗы ям' җани' манэтами'.

Маня" «Няръяна җэрм» газетахана манзаранаҗэ нянди' сава вади мэ"җаваць. Мядонзэйҗэ толабаваанда газетадамди' миҗава".

## Ямал' тер" мэбе"җа", мере"җа"

Няхаромдэй мэва' тодо я' җэрм' тер" сянакурҗаць. җокханда 15 сёбар" сянакубцха"на пирдырҗаць.

җэрм' няҗы ё" тер" Всероссийские Арктические игры нубета пирдырма мэ"җаць. Ямал' тер" сиддо' ядабтамбиць. Салехардахана, Лабытнанги маркана ма"люрҗаць.

Пирдырта" Карелия', Якутия', Коми республика' няд, Мурманской, Архангельской областьтад, Красноярской крайтад, Ненецкой, Чукоткой округтад турмы".

Сян яля' ямбан' сянаковандо' сер' Ямал' тер" нюртей ям' ханавы". Таймыр', Санэро" яхад товы нидо' нертевыдо'.

«Маня" - мал" җэрм' терва", пирдырманзы җобт' тэворпана", җоб' сер' җарка ныхыва" җадимдембива". җэрм' ява" сидна" мэбеламби», - яна" нермбэртя Дмитрий Артюхов сёбар" ненэцие савуць лаханавы.

## Неняҗгадо' яҗгода

Красноселькупской районхана Толькахана илена" ненэцян" тюку та' таҗга илеҗу". Неняҗг' сиддо' саць ни" маядамбаҗу". Яҗга таславы пардонхана я' сяр' нийм' побарпаҗу". Тики пардон' янхад неняҗгадо' яҗгода.

Тарем' серта харто' таславэдо. Теда' «Живём на Севере» сайтхана тэраҗурҗа". «Таҗы ёльцянҗана Толькахана я' нийм' неняҗг' пардонхана побарпа тара? Ни тара?» - тарем' сиддо' интернет' мутравна хонрамби". «Тара, җули" тара», - тарця вадам' тэравы" җокханда мале юркад ва"җа". «Ни тара", тарабцода яҗгу», - яланда юкад вата җопой ненэць' лаханавы. Сие ниць иры' 15 яля' ёльцяндр' тамна тэраҗгода".

Ти, тюку илаҗганана" интернет' мутра' сер' җока җамгэм' тасла пирҗава". Илна" серо ня"амбада" мэ"манда вадида' тарем' ненэцяндр' тэволэйдо'.

## Нюто' нямна хонарковы"

Мюсерта" Ямал' тер" ты пэрти" ялэ мэць хардаха" ха"морҗа". җани серото' поҗгана школахана тохолкода нюто' нямна хонаркованзы ядэрцеты".

Тюку по' Аксаркахана е"эмнандо' яҗга лахарём' мэ"җаць. җэрм' тер" серо минрена департаментхана манзарана Григорий Лымар турмы. Няби Ямал' җардавна җацеки" нямна җэда серо ня"амбада Данило Трубицын лаханавы.

Школандо' ерв җацеки тохоламбади няць җани' тохолкова' нямна вадида' мэ"мы".

Ненадовна ваде"мыдо' тарця": -колледжха"на, техникумха"на тохолкова' е"эмня җадимдевы сертификат ня"амва;

- институтха"на тохолкода" студент" е"эмня җадимдевы стипендия' нямна;

- җацеки" таҗы ныланава' нямна;

-таҗы ныланава' мальҗгана җацеки" е"эмня җадимдембада манзаи" нямна.

Тики' хавна вындер" ненэцян" җока вадам' җацеки"то тохолкова' нямна намдавы". Ханзер" җацеки" мале школахана нерняҗы илаҗганандо' тараванда теневабцудо' җокамдамба пирҗа". Школа-интернат' пуд ханя' тохолко хэвамдо' тасламба, сиддо' җани' теда' тидхалемби".

(Нердена пеляда 1 стр. џа)

## ПИРДЫРМА"

Тароти сахамламбада" тёр" џаха" со". Тикари нёракуць ханяна мэвамдо' таминд хоңгур". Тадџо" сырта" ненэця" сюрэбтявџэ пирмдад' ниня џамдыць. Мальцятна нидо' нерняку пэрта" ненэй вадаримдо' мэ"џаць. «Мэёвна ня"мад"! Нёр џэдарабю"! Сеяр нёя пин"! Маханя"! Сятаня' нэкалт"! Хэя", няна вэвананё!», - тарця вади намдорць ханяџэхэна письџэ џадартасетыдо', та ёльцяџгана џамгэм' писедавамдо' ёльце намдаван' харвасетыдо', намдбато' пись' тамна џокамзеты. Сидя яля' сер' таро"мам' мэ"џадонзь, няби яля-хана ситна мерця, явна џэда хад хибяхартм' нись табла".

Нито' хэвнякуна яр-колана", хано сана рпада" пирдырма" нито' ирм-ня миџаць. Їынхана енертахарт" таниявыць. Тикыдо' хойхана џа-цекехэ" мимбада џын' то"олха нивыць џа", яџга-выць. Пирдырман' харвана" џока џэвыць, ханяџы" тарця пирдырмахана нюртей мэвы".



## Сидя



## ТАСУ' ЯВ' ТЕР" ВА"ЛЁЙ"

Ялянда сэв' тю"уна хэ"мяхад мал' џэбато' ненэця" сцена' няю' вэрналыдаць. Таняна ехэрана џоб" мэкад сер" пэңгуць, харо ня"амбада" ненэця" ма"лыць. Пыдо' џаябад халям' ясьпа Россияна" рекордм' сертавандаць. Тикы серм' Станислав Яр тидхалембавы: «Пирдырмахана ясьпаванда халэ џахакуд хар"на" хобанџянаць. Тарем' ниб"на" серта џокам' ни" ясят", џадьбята џахакуд нядэйнаць. Ненэця" харе" хародо' мэта". Хусувэдо' тасламбида сяџокм' серта пирта, џокам' ясьпата ханяцей сава џэңгу. Нерня' ха"амвы џуда' терм' ня"маңгу. Пуна' хонаркода яџгова' е"эмня халэна" падарца-вэй ненэцяџгат тэмдэйнаць».

Ненэсяри халэ ясьпа пявандо' мальџгана џамгэ' пиркана нёх-оџгана ненэцяџгат хал" я"ав-

лысь. Ненэйвана панытана", мальцятна" тыхынана" то"ол-хаць. Хэвханандо' џэда халэ џани няхато' мипа нидонзь џэдарабю". Ясьтанаха"на тамна индэ" харвабцовна нядаџгода" манзараць. Пыдо' мале ясьмы халэ нензо пад' мю"ма"ламбидонзь, џо-кдамда таслам-биць, пуна техэ џока нито' понд' салаба толь' ни'

џонабидонзь. Тяхасовна ман-зара"махадандо' џокханда юр" тет ю" кила халям' ясьмы". Нерџубт' хибяхарт таџок џаябад халям' нивы ясьпю". Тикыдо' няхар" юр" кыла халяхад сертавыдо'. Сямянхат џока халям' (16,5 килам') Татьяна Марык ясьмысь. Пыда тарем' мась: «Мань илни саиркана етри' яля' няю' џэда серк" енана ненэцяндм'. Си"ми хонравандо' мальџгана пуня' нидамзь џа". Вэсакоми хардами тэрась, харта силџадась. Тадтикахад си"ми нерня' мяни тер" сахамламбиць. Ня"амвы џудани тер харе" манзаяханани ёльце тараңгу».

Пуна' Тасу' яв' тер" ва"лэй џэвамдо' манэ"лабта"махадандо' ясьмы халэдо' сянакова' ялян' товы ненэцие" помна тярџа-донзь.



# сава яля

## ТЫДО' МЕРЕ"ЃА"

Ненэйвана ты" нэхэна нэдалёрмам' натець. Тюку по' сидя сер' нэдалё пирдырҕаць. Нюрте"э' мал' нобкана харад' няю' мандалнэ нито' ирмня нэдалэйдаць. Хасава" юр" мян нэдалёда нидо' нертемба ниваталаҕо мандалнэ нуна ненэцие" няю' выркадаць. Ханяҕы" нҕылекавна тыдо' харебидонзь. Сававна тасла"махад тикы сэбинена",

нидо' нертемба товы" ненэцие нэдалевам' нивэдо' тола", нерденадо' ёльцянда таль" мер' нэдалавы", няхандо' сыраць нани нида пунда нэкалмэдо'. Пуна' янорэй' пырдари' танета пядонзь. Нито' нерня Кирилл Лап-

суй нэдимясь. Нянда пуд Проконий Яр товы. Няхаромдэйдо' Василий Вануйто нэвысь.

Тикы нито' пуд няби яляхана сидлад"мана нэдалёрҕаць. Ты" нэхэ"на пирдырманда" тыдо' нобт ма"ла"махадандо' мандалнэ

наволпа тэврамбидо'. Хахая' нэда мяд' ядхана яркыбидо'. Ханяҕы" нэдалё мэ"манда тыдо' буран' ханхана пэмба тэврамбидо'. Ханото' тёндер" ёльце пирця", тыто' нэрдан' мивы".



## МЯДОҢА"

Ненэцие" помна ядэрп", хибяримдо' ядабтаҕун. Тарем' Приуральской районхад товы Леонид Перчедам' манэ"надамзь. Тасу' яв' няна соё"мида илевыць.

Леонид ма"нисяв: «Мале таянкуй поход нини" вэдеман' харвадамзь. Ханзер" илевамдо' манэ"манзь, тандая' вадёдана" нюдо' торомдаванзь, тикы' е"эмня нэ"и ян' тэвыдм'. Тикы' хавна сянакова' ялямдо' манэ"ман' харвасетыдм'.

Ненэйвана нүли" мэкад серм' сэвтедамзь, хусувэй харвана по-сабтавы шархана нэмгэ' мянувна тись пирҕада. Нэни' сер": нерня' ха"амвы" ненэця" нудито' тер" сава нэвыць. Яханана" тарцява" янҕу».

Глеб Яптоҕэ Ензя' нэд мэрета еся ханхана товысь. Пыда хусувэй по' турҕа, Тасу' яхана теневаидэ нэка нэвы", няханата сеҕгавы. Глеб мась: «Яхананда" сянакова хусувэй по' сававна хан"на. Маня" тарцява" янҕу, нэка хибя ненэциена" тальня' турцеты". Яханана" Носко хардахана ноб" си"ив яля' хэ"мяхад ты пэртина" ма"лэда". Вы' тер" сянакова' ялямдо' нэтесетыдо'. Тюкона тарцям' манэ"сомахад таяна манэ"манда янҕодарха».

Хэвнякуна мандалнэ мале сян ненэця" нуць. Пыдо' помнандо' нэмгэхэвм' тасламбиць. Тикыни" Нэдя' Яптоҕэ нэвы". Нэрка нябакомдо' поҕгандо' нултавэдо', я' тыхамба"махадандо' хусувэдо' нэданда нэмгэхэвм' хонраван' харвась. Нябакоҕэ мале нэрма папанада невхы нэцекеы нэвандо' тотрев' иланд' табедамбидась. Пуня' вэнзер" лахананидо' вэбты саҕохона ноб" манэ"цетыда.

## ТЮҢГОТАВЫ"

Тюку по' Россияна" тигывна мяд' тер" пом' мэ"нава". Тикы' няю' хуркари" ненэдо" серо нэдимдемби". Тасу' я' тер" тюнгутавам' мэҕаць. Сидя едэй мяд' тер" нэдимяць. Яндо Владислав Яркович пухуцяданда Анжелина Таютавна Яройм' ханась. Пыди' ниди' мале нэхакуна торомдавыдинзь. Мяти' тер" Нэдя' нямна мюсерҕа". Теда' районандо' ерв' нэдахад хуркари" ехэрана" нэда' тер' ня"амнэханань. Таднерня' пилибт" нобкана яля' нҕыл' мюсеяха'. Нобкана нэни нити" тотрев' ты' иламди' минреҕуху'.

Тарем' Тасу' Явхана ты пэрти" сянакова' ялям' мэ"наваць.



# Валымтуң мэна”



ЛЕСНОЙ  
ДИАЛЕКТ

Ни җашкиуди” мянадыш валымтуң мэна”. Пуровский’ районхана нюча җашкиуди” дет җайта этно-конкурс’ «Мисс Северяночка 2024» мэнаш”. Чики мероприятием’ шанат тэмс нешади” дет тондюта центрхана манслани” шедтамы. Манде Талдахана матты мэмаң шедтаматуң.

Поңкнатуң мянадмантуң мэты садикан канта” Талдахат, Ханымейхат мэна” хампляңк ни җашкиуди” конкурсан җомаш”. Мянадыш чет’ номинацихина пытатуң конудпиш”. Ни җашкиуде” кунят тумамтуң, куше, җамэхэна дидимамтуң вачаңаш”, кальтуң дянтуң чел” дидивсум, паныдю” җычимчеңаш”, творческий’ номер” шедтаңаш”. Чикиң камна деты дяднасутуң

шедхадя милдсатуң җычимчемиш”.

Ни җашкиуде” дельше пимши”, шодюңа”. Кукитоң җадка сценан нельчеэй нудматуң, чикехана җотнаң җашкиуде” делымпёвтамың хомана мянадыш”. Нитуң выступлением’ манымантуң мэты немянатуң,

нешанатуң тоңаш”. Җашкиуди” поңкнатуң мянадмам таньдет тасламы жури” маньдеңатоньш. Чикидю поңкна «Шатута ни» нимита конкурсхана нэхэдмы Елизавета Калиничева тадымэңаш.

Жюрихана мэна” маньшту”, ни җашкиуде” дельше пимши”, тотуң хомана мянады”, выступлениеңоң җука нешаң вин каамдыт. Конкурстуң хитамахаты мянады” ни җашкиуде” тотуң детуң тасламы мячисы”, диплому” нямңа”.

Пиди шатута «Мисс Красота» Екатерина Макарова, ни җашкиуде Талдахана диле, «Гнездышко» нимита садикхит мэна. «Мисс Очарование» Мария Пяк, пыта Ханымейхат томы, «Улыбка» садикан дятдыля. «Мисс Умница» София Айваседо, ни җашкиуде Талдахай школа-интернатхат мэна. «Приз зрительских симпатий и Вице-мисс» Талдахай «Ёлочка» садикан канта Олеся Ермакова нямңата. «Мисс Северяночка 2024» җайши Амелия Сафарова кады, ни җашкиуде Талдахана диле, «Радуга» нимита садикан дятдыля.

Чики мероприятием’ шанат тэмс нешади” дет тондюта центрхана манслана” җадтана” җашкиуди” хома шоньшахана нетуң няштомаң мэт шедташтутуң. Тальша конкурс’ җадтана” җашкехена” талана. Мянадыш” ни җашкиуде” навэт хома шоньшахана наңича тэмс” нетоң няштондятуң. Чикиң камна җамыди” конкурсхана җука нешаң поңкна мянадпатоң, ниш’тоны пинан.

Лариса Айваседо патмы



Сидянт. М. Яр' тадавы



**Не' Парнэкуй**

Не' Парнэкуй  
Ѓули" нэлана.  
Не Парнэкуй  
Тэри тырсана.

Нюдя тэта Пякм'  
Хасавам' хамза,  
Не' Парнэкуй,  
Не тамра.

Е" хаделаха  
Ѓэванда тар"ям'  
Хада тимбжада.  
Ѓэва тырсоре"э.

Тибей панэнда  
Нэлуй нобда  
Тюнда мювна  
Ѓоб сыңъяда.  
Тибей панэнда  
Панэнда си"я  
Иня сяр"яда,  
Иня тер"яда.

Не' Парнэкуй  
Не тамра,  
Хасава' хэвувна  
Не нэлана.

**Пэвсюмбэй**

Нув пэвсюмзь  
Нумгы" есабаржа".

Сыра' мята мюд  
Иры тарпота.

Салаба' ядабцьм'  
Ѓэрм' сей' ири  
Ядабцьм' ня"ма.  
Вы' я' нийм'  
Ям' сюреле.  
Таңы сармикэця"  
Мал' хэбтум"?  
Тандая' ханумы  
Салаба пулни"  
Мэе' хэбтум"?

Иры' яляхана  
Неро' мал' ний  
Седя ябире.  
Ѓэрм' сей ири  
Пи' тидхана  
Ям' сюреле.

**Яля' сэв не**

Яля' сэвкоко  
Си"ив хэбототана  
Ѓэрм' яна" сейм'  
Пыда юдабида.  
Сыра' ёльцьгана  
Сята надимбата  
Яля ямбумзеты,  
Ѓэрм' яна" тер"  
Хаеракоцян'  
Ѓули" майсеты".  
Яля' сэвкоко

Нуво" сёрхана  
Писавэй, яля  
Пили" сюрсеты.  
Яля' сэвкоко  
Сэр" паным' мэць  
Вы' хой' нина  
Пыда нэдалёрна.  
Хаерад' не  
Си"ив хэбототана  
Хой' сюрб' ни'  
Ѓани' надиберна.  
Ѓэрм' я' тер"  
Хынабтамбажадо'.

Сёто' харахана  
Пыдо' ваде"надо"

**Ельце ва"лэй**

Ѓавнахаванда  
Мань ирикэми  
Ва"лей хасавам'  
Пыда нубежасть.

Пирдырпато',  
Хасев" поңгад  
Хуркари" поңгад  
Пыда мэбе"нась.

Пирдырпато'-  
Хабто' илыбада,  
Лабетабнандо'-  
Лабя малибада.

Ямб еңгахана  
Яңго вэдепавы.  
Нохо" сыхыяр"  
Пыда илыбавы.  
Мань ирикэми  
Хаби мэбе"мы  
Хой' надохона  
Явм' мадавы.

Тет хабтаркамда  
Тюрси" мэ"мыда,

Тамна ибеян  
Ирини вадида:

«Илал неры,  
Ню, тарем' мадм',  
Ил' неда - хара,  
Тидпой" яд".

Вэвако вадан'  
Пыдар нён' ярю".  
Вэвако лахарю  
Марць' тяха'  
мон"».

Ялэмдадхана  
Пыдар юркорьин,  
Мэ"мыни вадини"  
Пили" ибеид"!

**Надежда  
Салиндер' падвы**



**Ил' саиркана**

Сямян сер"  
Ханзер" таравамда  
Нир хамедангу",  
Ханя' ядванд  
Нир таслангу",  
Тэвадана ямд  
Хоё' тяха'  
Нир маниеңгу",  
Пуняңы яр  
Ѓоб' тарем'  
Ѓани' сэяңгунё,  
Хаця тенеңгуд,  
Пензя", лапта", вэрм"  
Таня' тэвыкана  
Иңуд хэб",  
Хаця яңгамда".  
Теда' ядбат  
Ѓэт нылы' ямд  
Нир маниеңгу",  
Хэвхы нид  
Саңо' вархана  
Тэри хаюрта".  
Пуна сидяңгадо'  
Пай' ха"морта"  
Ѓэд паромбаңгу",  
Ир мерета,  
Сит хаебаңгу.  
Техэ яханата,

Таня' тэв"махаданда  
Тэри пасанаңгу,  
Ханзер" таравамда  
Серокуто' сер'  
Нензахалембаңгуда,  
Пыда серта сер'  
Тидхалебаңгуда.  
Та ёльцьгана  
Ѓули" маяңгун,  
Мер' сюрамбаңгун.  
Ядманд мюня  
Яля" хаюрта",  
Иры" хаюрта",  
По" хаюрта",  
Ил' хаёда.  
Таня' тэв"махаданд  
Ѓули" пэдавэн.  
Тарем' сырпат  
Хаця ёховэн.  
Ханзер" тарем' жа?  
Ир ядэрта,  
Пон ядэрта,  
Ѓоб' ядэрта,  
Ѓэд хасенаңгу"  
Яда ямаңгудо',  
Пуй сехэрэр,  
Ѓоб' тохода.  
Иланд саир"

Тарем' хаёда.  
Тахабя нэбта  
Теда' ядбат  
Ѓэд мэбепато'  
Нён паромбасету".  
Хэвхы нямд  
Нёр хаесету",  
Сит сянда нид  
Ѓоб' маниен",  
Серод мэбцуд,  
Ялян' тидхален".  
Сава серкана  
Подм' ерыба  
Сит нядаванда  
Харто' надимда".  
Тикы под' мюмня,  
Ядманд мюмня  
Сит нэданид  
Ямб нарка мюдм',  
Нумд вэталёдам',  
Яхад паклёдам'  
Тамна нерня'  
Пыдар я"амбат  
Ѓудондалаңгудо'...

**Макар  
Окотэтто'  
падвы**

Сидянт. М. Окотэтто' нэдабтавы



# Ябда илева - Һарка сер”

Пыда харта индя сер’ иле, хибярихи” Һока савам’ сертаби, мюняд ялкадарҕа. ТарцяҺэвамда сян’ по” тяхана ядабтабнани’ ха-медавась.

Анна Фёдоровна Ардеева - иҥудота, сядота вындер неко-ця, тенад тамна пирибцядарев’ хусувэй серкана мерецеты. Һопой яхана хасенавам’ ехэ-ра, пили” Һамгэхэвм’ пэрҕа. Пудана няхар” по” вэсакоңда ня’ Несьхана илеҕаха’. Хой’ якоцянди’ нямна иди’ няр-кна. Тев’ ёльцяҕгана таҕы ялэ Һатенаҕаха’, хоян’ хантаҕаха’. Лимбика якоцяхана та’ ямбан’ мяд’ терсавэй илеҕуҕу’.

## ХАРЕ” НЫХЫХЫНА” ЕНАСЬ НЕРНЯ’ МИҘАВА”

- Илевава” вэва ни Һа”, Һопой яхана нива” Һамдо”, - ванерабтёс Анна лахана. - Хуркари” сер” таясеты”, ханяна маймбаҕун’, ханяна сацьри” сава ни Һэҕу”. Тарем’ Һэб”нанда Һод” хусувэй Һамгэ тасламбада. Нина” нядаба, нясьюмба илева”, хусувэй серт’ ивьер’ сырҕава”. Һопой мяд’ тер” сава” Һэя”, мал” нина”, перенина” сенз” Һэя”. Не нюхуюни’ – сава нядаҕгодини’. Тедари’ пыди’ тоходанаҕаха’, вэсакоң’ ня не нюкцини’ нядабини’.

Анна харта еркарада - Латы-шева, Канинской выҕгана соявы. Нисяда, небыда илеванди’ ямбан’ «Северный полюс» колхоз-

хана тэхэ”на манзаравэхэнзь. Нисядо’ хусувэй серт’ мёвна сырта ненэц’. Матдомдэй Һэсым’ Һудахананда ня”амбидась, Һока хасава Һацекеым’ хой’ манзаяха” тохолавысь. Пухуцянда ня мат” нюмди’ вадаҕаханзь, ханяҕыдо’ тенад харто’ явнандо’ мюсерҕа”. Канин’ выҕгана Латышев’ хасава ню Михаил’ мяд’ терсавэй тыдо’ лэтамби”, нюдяко не нюда Екате-рина Шубина Һани’ тэхэ”на мэ.

## МЯТА ТЕР” НЯМНА ЛАХАНА

- Мани’ сидя нюми’, сидя не Һацекеэхэ’. Һаркаюм’ Архангель-скхана тоходана, нюдякоми’ Няръяна маркана. Пыди’ мале нисянди’, небянди’ мя-кад хаяханзь, - нями лахана. - Нюхуюни’ вадэйни’, хардаха-на илени’, таҕгаркани’, тарем’ Һод” тэри нини’ Һамдо”. Сы-рэй ёльцяҕгана сэдорасетыдм’, Һэрёйҕэ хэсь надорцетыдм’, пени, ты” хоб напанҕудм’. Сэдорава’ е”эмня хусувэй таранадами хамедабасетыдм’. Выҕгана иле-на хибяри хусувэй серкана харта ёльцяда тая. Не тикым’ сававна теневада.

Нюдя Һэвани мальҕҕэхэд не-бяни хэвхана сэдора тухудамзь. Сырцетыдм’, ханзер” не-бякоми манзара. Сэвни” мэцетыдм’, тарцям’ мани-есь, ихинани манзетыдм’, ёльцянда тэвась мань Һод” тамбир’ паской Һавэ сэдыбаҕудм’. Сэдорава



Сидяҕг.: Ю. Талеева’ тавы

Ты пэрти” яляхана Һока тенева нямди’ манэ”мэхэ’.

– сямян харвабтана серми. Хусу-вэй яля’ сэдорасетыдм’.

Мяд’ тер” нини” ембапидм’, Һани ненэцие” е”эмня Һани’ манзарасетыдм’. Сава”, Һоба”, мальця”, тобак”, пива”, бурка”, тапка” Һэсеты”, хибяхана Һамгэ” тара”, тикыдо’ сертасетыдм’.

Вэсакоми Һока по” ямбан’ ты пэртяҕэ тарась, хойхана мюсерҕанинзь, теда’ няхаромдэй по’ хардахана илени’. Вэсакоми нита хорови пэрҕа. Хардаха-на иленаха” молока’ Һаварм’ тэврамби. Пыда нида нядаби, хасенавам’ ехэрана хибяри, пили” манзаядамда хоҕу. Ханяҕэхэна хоян’ тэворцетыни’, ты пэртя” нини” няда тарабнанда, хэсетыни’. Тэри

нини” хэвхана мюсерцетыни’, ихина ёльце сава Һэсеты. Һопой яхана сидни’ Һамгэхэрт ни ня”амбю”, тарана Һаворини’ ма”лаҕуни’, Һэдалаҕуни’. Тарця серкана таҕгани’, - Анна Федо-ровна мась.

## ХОЙХАНА ИЛЕВА - ИВНАНДА ҺЭДА ИЛ’

Школамда ёльце”махаданда Анна Санкт-Петербурган’ Герцен’ нювм’ нюбета институтан’ хэвы, таяна тет по” ямбан’ тохолко-вы. Һоб’ мальҕгана каникулка” мяканд тэвы”, небяюта, нисяюта хэван’ мяканд товы. Таяна сава нямда ядабта, Фёдор Ардеев армияхад товы, мале ты пэртяҕэ манзаравы. Ниди’ таяна ховэхэ’, тюнди’ ваерась, Һобкана илелъя-ханзь... Тикахад саварка нянанда яҕударха. Тев’ ёльцянд’ сян юд’ мян по” ваера”. Анна Фёдоровна, Фёдор Егорович Ардеевха’ сававна илеҕаха’. Тад’ нерня’ Һод” тарем’ Һэя! Тамна Һока по” ямбан’ маймбасть, ябда илеяха’!

Юлия Талеева’  
падвы



Сидяҕг.: М. Яр’ тадтавы”

Газета «Няръяна НЭРМ»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 14 Подписано в печать 4.04.2024 г. Вышла в свет 6.04.2024 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).			Тираж 3616 экз. Заказ № 0573 (тираж 1581 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуныяца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Цена годовой подписки 166 руб. 84 коп. В розницу не распространяется.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Заказ № 0573/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4). Газета выходит по субботам.	Адрес редакции: 629003, ЯНАО, г.Салехард, мкр. Богдана Кнуныяца, д1, каб. 106 тел. (349 22) 4-53-32
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559				E-mail: nn@yamal-media.ru